



Opuscula



Opuscula



(68)

NEPTUNUS  
DIVINIOR,  
Crucis Tridente

Procellosum Mundi Mare  
PACIFICANS,  
D. JOANNES  
à CRUCE,

Redeunte Annua suæ Solennitatis die  
Ad Sacras S. MICHAELIS  
ARCHANGELI ÆDES  
PP. Carmelitarum Discalceatorum Cracoviensium  
In Numerosa Dignissimi Auditoris frequentia  
Oratoriô Stylô

Per  
M. VALENTINUM FRANCHIER  
In Alma Vniversitate Cracoviensi Philosophiæ  
DOCTOREM & PROFESSOREM,  
DEMONSTRATUS.

Annô Domini MD.CC.XXXI.

Die verò 24. Novembri.

CRACOVIAE TYPIS VNIVERSITATIS

*Cracoviæ typis Universitatis*



In Stemma  
ILLUSTRISSIMÆ  
WODZICCIORUM DOMUS.



Dum supero splendent WODZICCIA SIDERA Cælo,  
Ex alto Patriæ prospiciuntq; bonis,  
Cur igitur quæro? ASTRORVM quis fructus in Orbe?  
QVÆ Patriæ prosunt, condecorantquè Polum.



ILLUSTRISSIMO & REVERENDISSIMO  
D O M I N O,

D. MICHAELI

D E G R A N O W

W O D Z I C K I

Ecclesiæ Cathedralis Cracoviensis DECA-  
NO, VICARIO in Spiritualibus & OFFI-  
CIALI Generali, Abbati COMMENDA-  
TARIO Wachocensi, ad Tribunal Regni  
JUDICI DEPUTATO &c. &c.  
Mecænati Amplissimo. &c. &c.



Uia IOANNES à CRUCE ex  
Religiosis emergens umbris, jamq̃ in Empe-  
rea communi Beatorum, ab Aeterno veræ  
Sanctitatis Remuneratore, locatus Sede, ibiq̃  
lumine immortalis radians Gloriæ, ad coruscos  
WODZICCIANORVM SIDERVM gaudet vi-  
deri splendores, id non tam elevatarum stupore mentium, quàm  
potius profundissima colendum reverentiâ: in EORVM ta-  
men conspicuis, pro Aris & focis, operationibus, quid Orbis u-  
niversus admiretur, quid imitetur, quidve veneretur, habet.  
Illustrissime Mecænas. Quis etenim stupor, ubi nihil inso-  
litum contingit? quotidiano hoc esse exploratum eventu, totiq̃  
A solenne



solenne Illustrissimæ **WODZICCIORVM** Prosapia  
nemo est qui dubitet, quod ipsi Cælorum indigetes, Divino quo-  
dam afflati desiderio, Vestris deliciari sub Astris, ac tanquam  
veriores, Aquilæ magnarum Alarum, Pulli, jam perfectè in In-  
creato Jusstia Sole probatas, sacra erga Vos pietate allecti,  
**His Luminaribus** infigere pupillas, plurimum exambunt; ut  
pote à Quibus, etiam splendoribus Sanctorum, non quidquam  
accedere, clarè intuentur. Supero cognata Cælo **WODZIC-  
CIANA** Astra, pars clari potior Olympi, nil commune  
cum terris habent, nihilominus alienari à terrigenis Conciuibus  
non patiuntur, at illis beneficis intimè conjungi influxibûs, saluti-  
fera Patriæ deferre præsidia, copiosis virtutum & meritorum  
ditare Ecclesiam proventibûs, amplissimumq; Honoris sui censum  
à summa rectefactorum gloriosè impendere, summo opere student. Hæc  
sunt Luminaria, quæ ne obscuriore contingantur pollice, ipsi  
Cælestes Genij, non à Romanis Lucijs, sed ab ipso Increato ma-  
ne purissimam nacti lucem, moderantur; Quibus Beatis consân-  
guineæ Cælitibus, Intelligentiæ assistunt; ipsaq; Civium athe-  
reorum agmina sub Eorum gratioso aspectu, hospitari, quandam  
accidentalem sui beatitudinem, non temerè arbitrantur. Et hoc  
ipsum est, quod sine speciali meminisse reverentia, nec licet, nec  
debet, cum Divi Manes posthumus commendandam sæculis, tan-  
tam apud Aureos Lelivitas mereantur facilitatem, ut eis  
commodissimæ in Partibus Cæli, suis inquam Sideribus  
donationem humaniter faciant hæreditatis; sub His religiosius  
adorari optant, peculiarem inde sortiti applausum, quod cultu plu-  
rimum festivo à **WODZICCIANO** inclarescant Meri-  
die: quemadmodum etiam hodiernus **IOANNES à CRV-  
CE** inchtus Eorum Conciuis ad celeberrimam diei suæ solen-  
nitatem inclavit, gratioso, at magis devoto Tui Illustrissi-  
me Mecænas aspectu. Et licet hoc pietatis Vesuviò singuli  
inflammati **WODZICCI** Quorum Sacris in pectoribus  
intaminata ab ipsis cunabulis, Sanctius quàm olim Ve-  
statibûs



stabilibus ardebat Roma, religionis observantia aestuat ignibus, cu-  
jus lucem ab Illustrissimæ hauserunt Lucinæ primordiis,  
eamque in Avitis invenire Cunis, ac è Magnorum exsuxere  
ubere Avorum; ejus tamen de Tuis præcordiis Illustrissime  
Mecænas evidentissimè flammaram incendia erumpunt, in  
Cujus Symmetria, dum mentis oculos reverenter defiximus, hinc  
Te Ascanium Sacrimonie circumfusus contemplamur, nitore, in-  
de convincimur, quod Prædecessorum Tuorum vel exæquas  
magnitudinem, vel unus omnibus superemines. Tua solitudine  
pullatus templorum renidet squalor, largæ Divorum altaria resplen-  
dent munificentia, scelus Gyaris damnatur, emerita in præmium virtus  
Pantheo donatur, & quidquid muneris pietati convenit, Tu dexter-  
rimè exequeris. Animus in Corpore Tuo virilis, Illustrium viri  
imago Majorum, quò in rebus humanis augustius nihil; frons vene-  
randa totam Magnorum Virorum gravitatem explicat; hisce O-  
culus primæ prospiciunt dignitates & regnant; in Vultu magni-  
fico Charites omnesque Gratiae confederunt; Os purpureum Sancto-  
rum Sapientiam loquitur, & quidquid dicit, oracula sunt; Ma-  
nus aureæ hyacinthis munificentiae plenæ, non tenebris damnant  
opes, sed per Indigos, beneficiorum largos spargunt odores; Cor  
augustum, intra se quidem habitat, sed in totius Ecclesiæ &  
Reipublicæ usus, in Cælum sese diffundit amores, ut integra  
Tui figura elogiorum Synopsis, & vocalis virtutum Prosopopæia  
dici & esse mereatur. Excelsas ejusmodi dotes tacitis pervadens o-  
culis Eminentissimus, Celsissimus & Reverendissi-  
mus Dominus, IOANNES ALEXANDER,  
in Lipe LIPSKI D. M. S. E. R. Presbyter Cardi-  
nalis, Episcopus Cracoviensis, Dux Severiæ pro-  
fundiora in Te mentis suæ cogitamina gratiosè defixit, Cujus  
ALEXANDRI Pectori, quod Magnorum Principum  
Sedes, Regumque Majestas jure nuncupatur, altè insedisti Ephe-  
stia: ideoque oculatissimus Argus, Te pupillâ, sui muneris negotia  
perlustrat; Te Alcide, Indefessus Atlas ad ferenda utitur onera,



in Cujus capaces humeros Diæcesanum imposuit Orbem, cum Te more Prædecessorum suorum Vicarium in Spiritualibus ac Officiale Generale firma animi sui pronuntiavit sententiâ; ut pote, cum in Te Solonis ingenium, quo Sarmaticæ saperent Athenæ, adverteret; manum Salvij, quâ jura in tabulas, publica acta in Codices referres; animum Gratiani, quò sanctè statuta, prudenter sancita, sapienter Decreta, publicæ utilitati commendares; caput deniq; Justiniani, universale Pandectarum volumen, ex quo omne jus velut è cornu Amalthææ depromeretur. Adeoq; sub WODZICCIANORVM Astroforû motu, Quibus LIPSCIANA quondam communicant eminentiam Kaltra, interea altius quiescunt, ut negotia Regni intensius meditentur, feliciorum in viscera Patriæ inferant messem, unionemq; in commune bonum congregent animorum. Contemplatur non sine festivo viscerum suorum gaudio Peraugustum Cracoviense Capitulum præclara Tui Prime Prælate attributa, profundissimam in responsis prudentiam, in rebus agendis dexteritatem, in privatis colloquijs humanitatem, in pertractandis publicis negotijs consiliorum robur ac felicitatem, in Capitularibus, sessionibus sensuum & verborum, non sine auscultantium jucunditate, pondus, ubiq; auctoritatem: & Dignum sanè reperit, tam pulcherrimò pro Te suffragiorum agmine perorante, Cui Administratoriæ Episcopatus curam delegaret, quâ Electionis suæ discretionem, proximiorum Infulus, quas pridem omnium judicio mereris, firmiter sancivit. Altius quoq; eruditam animi Tui solertiam penetravit, jurium bibliothecam, grande legum volumen, plenum Constitutionum Regni, Ecclesiæ Canonum archivum, censuit & probavit, ideoq; jam quartò verè quadratum Iudicem ad Tribunal Regni deputavit, sub Quo triumphavit justitiæ rigor, non absq; tamen clementiæ temperamento, regnavit probitas siluere vitia. Ad Tribunalitiam sedens Mensam, ubi Causas Sphingi similes irruerunt, in scrutinijs Oedipum ogeras, Cui ceu principali Judi-

cum



cum Numini illibatus sola veritas Codex, sola æquitas Canon,  
solus animo excelso oris & pectoris candor, sola probitas suffra-  
gium fuerat: ubi monstrasti, quid in Areopago, quid domi &  
foris, quid in Ecclesia, quid in Regni subsellio valeant **WO-**  
**DZICCH** Lelivitæ. Qui licet si ex Te Ipso vir-  
tutibus in Ecclesia, amplius in Patria meritis ditissimus fueris;  
non exiguum tamen addunt Tibi pretium Illustrissima Ma-  
jorum Tuorum Nomina, cognataq; alti Sanguinis in Or-  
be Leebico Numina. Vivit adhuc post funera in cordibus Sar-  
matarum illud illustrissimum lumen Orbis Poloni **LAVREN-**  
**TIVS** de Granow **WODZICKI** Pocillator. Varsavi-  
ensis Progenitor Tuus Magne Mecænas, Serenissimi  
**IOANNIS III.** Summi ingeniorum & Virorum Taxato-  
ria pupilla oculi, Reginum Succollator negotiorum, Procerum  
Amor, Nobilitatis decus, gemma Coronæ Regni pretiosa, Vir  
ad omnia, inimo optimorum medulla Virorum ad quævis ingen-  
tia munera, non fortune, sed præclaræ virtutis germine natus,  
Quò Regia **IOANNIS** Manus, ceu dextro ad præclara  
utebatur munera, brachiò; ceu Statore rerum Polonarum, ad  
consilia; vivo ad bonum publicum felicius effingendum, instru-  
mentò. Cui sorte felicissima, sic disponentibus Superis, in so-  
ciam vitæ cessit **ANNA** Conjux Lectissima eximiarum  
Pandora qualitatum, viva Charitum effigies, ipsissimæ spirans  
probitatis simulacrum, vera sui Viri Corona, tot pretiosis dotata  
clenodiis, quot Avitis virtutum ditata Erythris. Videre erat  
& admirari hoc illustrium Matronarum singulare decus, verè  
**ANNAM**, id est gratiarum, **DEI** & hominum sententiâ  
compendium, Cujus cor devotum ceu Sacratioris Vestæ continuus  
flagrabat pietatis ignibus, quibus domestica conclavia,  
ceu **DEO** dicata Oratoria, illustraret. Hæc nova Placilla, in  
Templa munificentissima, quæ liberalitate in majorem elevavit  
cultum, exornavit opibus, Parijs decoravit marmoribus, quæ  
immortalitatem **WODZICCIANAM** futuræ commen-



darent posteritati; in egenos effusissima, in Cænobitas gratiosissima. Hæc Polona Cornelia, in domesticis circumspecta negotijs; in publicis prudentissima, tot Græchorum prototius Patriæ comodo, quot **WODZICCIORVM** Filiorum & Filiarum Mater. A Quibus Clarissimis Luminaribus Tu splendidior prodijsti Phæbe Illustrissime Domine, & sic certè prodire debueras, ut Augustos intuereris soles, dignissimus; ut Te lux publica haberet, & oculi Majestatis pro nobilissimo respicerent objecto, Quem nobiles ex animo erumpentes flammæ, ad fatorum invidiam, ad præsentium stuporem pulcherrimè coronarunt. De eodem Luminum fonte emerferunt Illustrissima Nomina **CASIMIRVS & PETERVS** de Granow **WODZICCI**, Ille Pocillator Varfaviensis, Vir rerum experientiâ conspicuus, domi & foris admirandus; ingentium capacissimus; illum vitæ integritate purus, Cujus grandi nihil vastius animò, quò etiam peregrinum impleverat Orbem, certò Eum Lechicus ut habet in votis, illustrioribus sublimaret titulis, si sibi Corporis infirmitas ad excelsa, per invidiam fortunæ, Optimæ maxime inimicæ, viam non præclusisset: Hic Pocillator Cracoviensis, Colonellus Exercituum Regni, Regio Serenissimi **AVGVSTI** Ill. in **WODZICCIO** favore Eques à **S. HENRICO**. Hæros Martem fronte præseferens, Qui bellicum spiritum propè cum ubere hausit, dum adhuc puer, per scuta reptaret gauderetq; inter vulnera videri. Hic sanguinea bella non pericula, sed bellaria arbitratur, Cujus Heroicum Cor, fulmina Bellonæ, ignea Gradivi tormenta, clypeas & hostium hastas, tanquam amanos amplectitur ludos. Meritò talis Camillus militiæ Sarmaticæ præesse debuit, Cujus magnanimo in pectore Martiales residentes flammæ, ad generosos ausus, Polonos accenderent Tyrones: Sanè aptissimæ manus Imperatorias ferendi Clavas. Isti Polono Annibali in connubialia cecit fœdera Illustrissima de **DEMBINSCHIS** **CONSTANTIA**



**TIA** masculæ Heroïna mentis, Quam rara in tali Sexu pru-  
 dentia, elegantium suavitatis morum, pius in Superos amor, in-  
 Divorum munificentia Aras, & quidquid Illustres decorat Ma-  
 tronas, Orbi commendat. Debeatur Cælo **WODZIC-**  
**CIANO**, ceu propria Zodiaco Virgo, & ecce est Ravicia,  
 quæ devotas ad Superos dum attolit dextras, ut in Hanc Domū  
 novum Honorum inferant Cælum, tot stellis, quot Illustrissimis  
 titulorum splendoribus coruscans. De eodem Luminum foco pro-  
 cesserunt dignæ Tantæ Parentibus Scintillæ, Patriam suo tem-  
 pore illustraturæ, Elias, Franciscus, Iacobus & Ioan-  
 nes Cancius, duo Musis sacrati Cracijs, ad quævis magna &  
 honesta, ut ex vultibus Juvenum legere est, accensi, quibus Pa-  
 terna exempla faces quidem sunt, ad quævis illustra æstuan-  
 tes animos, fortis inflammantes; ceteri, ut tenelli flores, spes Reip. in-  
 gens, & non vanum singuli Prosapiæ ornamentum futuri. Ad-  
 huc inter immortales resplendet Cineres augusta propago **IOAN-**  
**NES** de Granow Capitaneus Vitiensis, quo quon-  
 dam Heroe Polonus gloriabatur Mavors, contra quem ocyus  
 quam par erat communia exarsere fata, quem iam in culmo, licet  
 necdum in culmine honorum, qui sese Ei sponte inclinabant, de-  
 messuit Libitina. Inter Hæc Paternæ Domus Tuæ Si-  
 dera Tibi Fraternali simillima sanguine, eminentius resplen-  
 des Amplissime Mecænas, ceu pretiosissimus, non Laudato-  
 ris solummodo, sed totius Poloniæ iudicio inter Erythræas unio  
 gemmas, singulorum dotes & commendationem complexus, Cui men-  
 tis elegantiam, cordis magnanimitatem, ingenij profunditatem,  
 in peragendis negotijs pondus, magnificum ubivis pretium, inta-  
 minatus pectoris & oris candor, virtutis amplitudo, animi intelli-  
 gentia, vultus authoritas Principum & Magnatum, Insula-  
 torum & Insulandorum Cracij Vavelli Capitem æstimatio, tri-  
 buerunt. Nec solum Domestico allucent foco **WODZIC-**  
**CIANA** Astra, etiam ad externa se se diffundunt Nomi-  
 na, illis suam communicant claritudinem, suorumq; bonorum ex-



cellentiam, quod proprium est Sideribus Caeli in multos munificè  
partiuntur, quæ tot Illustrissimis conjuncta per præclaræ Constan-  
gunitatis vinculum, Luminaribus & clarius in Orbe Sarmatico  
nitent, & clariores, per stirpes cognatas, diffundunt. Domus suæ  
radios. Resplendent pulcherrimè non solum quia ignibus pene-  
trata bellicis, vel in hostium Patriæ demetendis perpolitæ cervici-  
bus Avita Przerembsciorum Arma, sed etiam ex eo,  
quod Aureo Lelivitarum de Granow sint circumfusa  
Iubare, dum HELENA WODZICCIA, eximia sui  
ævi Pulcheria, in Qua omnia summa fuere, Genus, virtus, gloria,  
Cujus casto pectori niveum insidebat ebur, lilia in fronte cande-  
bant serena, purpureæ in genis residebant rosæ, suave quarumvis  
virtutum in animo vernabat florilegium: dum inquam Hæc  
illibata magnanimo Penelope Ulyssi, dilectissima Maüsolo Arte-  
misia, Polono Idalia Marti, Vepustissima Menelao HELE-  
NA: nimirum Illustrissimo ac Excellentissimo in  
Przeremb PRZEREMBSKI: S. R. I. Comiti, Ca-  
stellano Coparië: Szydtovien: Pierzchnicensi Ca-  
pitaneo in perpetuæ Sociam vitæ quondam cesserat, Sponsa  
par virtutibus Sponso, altis inclito titulis, propè immensis illu-  
strium exemplorum, meritorum, honorum decoribus exornato, Vi-  
ro summæ in Repub. existimationis, in rebus agendis prudentiæ,  
Generis celsitudine, vitæ integritate, placitisq; moribus præstan-  
tissimo. Et licet utrumq; crudelia abstulere fata, vivunt ta-  
men caris in Pignoribus, perennant in cordibus Magnorum u-  
triusq; Prosapiæ Heroum, spirant immortalitate rectefactorum. Vol-  
vuntur per Sphæricum Domus TAGOBORSCIANÆ  
Orbem WODZICCIANA Sidera, ad eternaturæ di-  
gnitatem memoriæ, semper cum ampliori splendorum incremento.  
Nempe Familia Hæc, Cælo propinquissima, Orbi Lechico cla-  
rissima, Heroum Nutrix, gemmis honorum splendens corona,  
à qua WODZICCIANÆ Majestati, non exiguum acce-  
dit authoritatis momentum; ut tametsi se ipsa sublimis fuerit,  
celsior



celfior adhuc d. **TAGOBORSCIORVM** eminentia foret  
luxq; luci addita, fiat uberior. Non modicum **Luminibus**  
**Wodziccianis** Illustrissimus **Lubomirsciorum**  
**Srzeniawa** claritatis affundit, cujus per tot climata Regna-  
rum diffusi latices in profundissimum præclare gestorum excreve-  
runt æquor, de cujus altiore profluvio in appretiationem **Leli-**  
**uitarum**, ut rutilum ab **Arimaspo** obrizum, ut **Idaspæi** à **Le-**  
**chico** **Gange** **Pyropi**, abundè promanant, diluvia inquam in am-  
plissimos gloriæ explicata cursus. Deliciantur **SAPIEHA-**  
**RVM** Sagittæ, seu in suæ propensionis fixæ centro, **WO-**  
**DZICCIANO** Affines **Astro. MORSZTINO-**  
**RVM, TARNOVIORVM, DVBRAWSCIO-**  
**RVM** Lumina optatum nanciscuntur meridiem, nitentq; ut so-  
les, **Phæbeo** **Domus Vestræ** sociata splendori. Congerunt  
in unum cognata **GRABSCIORVM, VSTRZYC-**  
**CIORVM, RVPNIEWSCIORVM**, aliorumq; mille  
decora, Illustrissimam **Prosapiarum** suarum lucem, eamq;  
**Avitis** adiiciunt **Domus Vestræ** fulgoribus, ut in æ-  
vum illustrissimis non desinant splendescere titulis. Et hoc est,  
quod dicturus eram, quia in **Sideribus WODZICCIA-**  
**NIS**, habet **Sarmaticus Orbis**, quid admiretur, utpote, Quæ  
conspicuas **Cælis** communicant venustatem, amplos in **Patriam**  
meritorum proventus invehunt; continuata **Reip.** deferunt ob-  
sequia, incorrupta **Ecclesiam** religione decorant, suæ **Prosapiæ**  
majestatem, Illustrissimis **Familijs** splendorem accumulanti, in o-  
mnes gratitudinem influunt, humanitatem, magnificentiam, aucto-  
ritatem. Singulatim hæc & omnia **Synoptice**, si quis in **WO-**  
**DZICCIIS** reverentia oculo intueri optet, in **Te Vno**  
**Illustrissime Mecænas** collecta resident. Tu harum com-  
pendium dotum, Tu harum **dactylothea** gemmarum, Tu pul-  
cherrimum **Excellentiæ WODZICCIORVM**  
universale, nobilissimū omniū **elogiorum Subjectū**, & unus, omnibus  
**Elogiastis fons laudum superabundans.** Cur igitur ampliùs  
As Illustris



Illustrissimæ Domus Tuz insudem encomijs? cur plura glorie  
monumenta queram? cur exiguam ingenij facem accendere coner;  
ut meridianum illustrem Phœbum? ubi in Te Vno rotam WO-  
DZICCIANI Luminis reperiam claritatem. Consulto plurima  
Domus Tuz prætermitto decora, cum Tu multo illustriora reli-  
queris documenta: prætermitto solidiora Majorum Tuorum enco-  
mia, quæ typographicis coarctata nequit capere pagina columnis.  
Hæc tamen, quæ inculto quidem exarata stylô, ætliore pro-  
ducta syllabæ ex Vobis dignissima sunt, non ex scribentis  
elogio. WODZICCIANA Sidera Orbis Lechicus, nosq; singuli,  
non per somnum; sed corde vigilantissimo adoramus, ut pote quæ  
ipsi Celsissimi continuò colere Planeta, Tuorum ingenio  
Mitratum olim LVBIENIJ Caput suavissime vixerat; Quorum  
serenioræ aspectu SZANIAVIVS nuper exultaverat Agnus,  
jamq; sua vellera in Purpuras WODZICCIO MICHAELI de-  
disset, ni fila vitæ COSTANTINO Libitina præsidiisset. Incla-  
ruit Horum splendore Patria, illustrata Ecclesia, sublimata  
Vavelli Corona. WODZICCIA Lumina, dum Sarmaticus venera-  
tur Orbis, Serenissimi quoq; de Auge Majestatis à longè, cum a-  
nimi sui voluptate speculantur Soles, Quæ in Te Illustrissime  
Mæcenæ Regius AVGVSTIII. aspectus, Decanali, ac Abbatiali  
decoravit honore, illustrioribus adhuc Titulorum radiis exornare  
in animo parat; iamq; quivis honorum apex Tuis sese inclinât  
Sideribus, ut perpetuò in celso dignitatum fastigio, in eminenti glo-  
rie apogeo revolvantur. Quæ singulorum vota, ut prospero e-  
ventu boni Superi in WODZICCIANA Prosapia coronent, Et Tibi  
MICHAELI longa promerenti tempora, Avicæ gloriæ Heredi, bo-  
nis immortalibus cumulato, eveniat illud Poetæ: Purpura Te fe-  
lix, Te colat omnis honor: profundissima cum reverentia, bre-  
viore æquidem emphasi, Et impolito cothurno, ac studio in quævis  
obsequia promptissimo precatur

Illustrissimi Nominis & Honoris Tui.

Devotissimus Client

M. VALENTINUS FRANCHI P. D. & A.

Author Operis.





# ORATIO.

**I**N vitreo felicitatis freto rarus Polycrates hucusq; portum appulit feliciter, ut inter faventiores Etesias hærente vitæ liburno, loco optati littoris ad scopulum fatorum, non impulisset. A A. Procellosum etenim in suis latifundijs Mare, Orbis spaciosus, non tam divite exundantis lætitiæ Nilô, quàm fatali irarum exundat illuvie, pro dulci susurro, murmura ingeminat furibundum; loco lenis malaciæ, tumidis albescit procellis, magisq; fletibus quàm fluctibus fluit universum. Mare Mundus, sed rubrum: in quo cum non unus Mnestheus novam cum fatis iniverit Naumachiam, luctando cum Africis, certior mortis, quàm triumphi decertat; in quo sæpius secantibus illud antennis, in exitiosas provectus Scyllas, fluctus & luctus lachrymabilis bibit

B

Proreta;



Proreta; & navale bellum, in vasto hoc Æquore  
gerendo, cum hostilis desit, illud proprio Sangvi-  
ne cruentat. Mare Mundus, sed glaciale: in quo si  
quis victricem fortunam per Euboicum olim na-  
vigantem Pelagus celeri adiit gressu, illicò ibidem  
attingit præcipitium; & congestas ex everso Darda-  
no manubias, in vim fæderis, licet ad Naupliam  
facem funestis Æquoris hujus sepeliverit anfracti-  
bus, grande tamen cum ludibrio est passus infortu-  
nium. Mare Mundus, sed procellosum; susq; deq;  
scopulis plenum; in quo non unus Lærtiades vo-  
lens felix optatæ spei adire Beneventum, voraci-  
cibus abiit in obsonium scyllis; & qui in terminali  
littore lætum canere celeusma in animo statuit,  
letho obiit. Mare Mundus, sed insolens; cui licet si  
catenas & vincula inijeceris, cum Xerxe, etiam ca-  
tenatum effreni in deterius ibit procellâ; tumido  
fastu fluet, & luscantibus sese remis intra viscera  
sua fatale dabit exitium. Habet illud asperarum copi-  
am aquarum, quibus naviganti Palinuro crudele  
novit impingere stigma; quodq; nullus sit ad Cher-  
sonum Scopus; sine fatali Catascopo, rauca Deu-  
calionis fluentia demonstrarunt. Aquæ multæ,  
populi multi: vasto quandoq; ambitionis intume-  
scences vapore, ultra sphæram capacitatis suæ, quid  
prodest; si ascendere velint? dum eò ipsò ab alto  
cadunt, in præceps abituræ. In hoc immenso O-  
ceano, si curiosâ pupillâ placet Insulas intueri? pla-  
ceat simul infandum renovare dolorem: quomo-  
do ad illas allisa Argonavis vitæ humanæ, ah infe-  
lix! obvijs sæpè cedit in spolium, rapinamq; facis.  
Hoc fluidum Elementum, tristi denigratam squal-  
lore tellurem magis fædare, quàm emundare con-  
suevit



ſuevit. Hoc petulans Æquor, ſi de die modo gur-  
gite fluit, noctu illud infani vexant atrocius Auſtri;  
totum tumefcens in rapidos agitur æſtus; nunc to-  
tum criſtas erigit, nunc faſtigiò petit declivia, nun-  
quam conſtans, ſemper volubile, magis inſolentiæ  
Typus & Ironia dicendum. Minimi etiam huius  
titubantis Pelagi niſi plorantibùs oculis exploran-  
tur motus; in quo totum Imperium lachrymanti-  
um Pleadum, non ridentium Orionum; ſtridenti-  
um Aquilonum, non mulcentium Eteſiarum pa-  
tet eſſe ab eventu. Habet hoc mare blandientes  
intra ſe Sanguisugas, optimo inhiantes ſanguini,  
quo exhaustò invadentibus dant locum fatiſ, &  
nauſeabundæ recedunt. Dulciſonæ Syrenes in flu-  
ctibus huius Oceani ſuum quoq; fixere pedem,  
quæ ſuavi vocis illiciò funeſtum parant exitum, &  
ſuæ crudelitati molles præmittunt Dithyrambos.  
Abyſſus hic abyſſum invocat, fortunæ Cæſaris hic  
rarus margo exoptatus; ſupplices haurit etiam hic  
pontus lachrymas, ad meliora nullis precibus in-  
flectendus. Porro: hoc procelloſum Mare cùm li-  
mites ſuos tranſcendat, jam Aurea Neronis Palatia,  
jam Semyramidis Viridaria, jam Memphiticas Tur-  
res, Babylonemq; ſuperbam, jam ſeptem Orbis mi-  
racula abligurit, ut ſinguli:

*Mirentur ſub aqua lucos, Urbesq; Domoſq;*

*Nereides ſylvaſq; tenent Delphines & alta*

*Incitant ramis.*

Imò plus dicam: Oceanus hic malorum fluctibùs  
intumefcens, impetuoſis procellis, audet ſydera  
quoq; Cæli verberare, dum illis pluviſoſos Ortus  
Occaſuſq; minatur. Verùm ſubſiſte tantisper ef-  
frenatum in omnem licentiam amarum Mare (te



Orbis intelligo) En adest hodierna die Divinissimus IOANNES à CRUCE, Stellati Carmeli Phæbus, Divinior Xerxes, Qui aureis Crucis compedibus tuos constringet ligabitq; fluctus, procellas catenabit. Adest Verior Iason, Qui Crucis remō ferventia hæc æquora mulcebit omnesq; feros ad modestiam componet impetus. Adest Divinior Polycrates, Qui in Cruce Domini, te meliori desponsabit fortunæ. Adest Divinior Naucerus, Qui virgâ Crucis fatorum tibi illudentium compescet insolentiam, ventorum pacificabit jurgia, sævas dispellet tempestates. Ergò minimè à veritatis aberrabo orbita, cùm Divinissimum IOANNEM à CRUCE, Diviniorē NEPTVNUM, Crucis Tridente, procellosum Mundi pacificantem Mare, minus fluido ore demonstrabo. Parce D. IOANNES quòd Te Scientiarum Oraculum, omnis perfectionis Mare, Neptunum demonstrare intendo; cùm sciam, sub Tuo felicissimo & optimo regimine prospera quæq; fluere, pacata quævis evenire: Qui ut talis appareas; Nomine sonantem Gratiam mihi inculto Oratori non negabis. Elevabunt flumina Oratoria voces in laudem Divinioris NEPTVNI, Vos tantum AA. Dignissimi benevolæ attentionis spirare Favonios, supplex imploro.

**D**ilectam Saturni & Opis Propaginem, Supremi Iovis corculum, Concivem Deorum, Cælitum Delicium Neptunum, antequam Oratorio argumentò Moderatorem comprobavero Maris, prius de excellentium sub Sole primatu rerum, quomodo pro eo certatum pugnatumq; est, aliqua innuere volo AA. Vix etenim enituit rerum pulcher



cher vultus in Orbe, vix Tytan radiantia præbere  
lumina, ac nova crescendo cæpit reparare cornua  
Phæbe, illicò (prout & hucusq; obstat) unum ob-  
stabat alteri; frigida pugnabant cum calidis, humi-  
da altercabantur cum siccis, mollia cum duriori-  
bus, cum gravibus certabant levia, pro arbitrio na-  
turalis excellentiæ primatum exposcendo. Audiit  
hæc cupidus dominandi animus, & mox in Divum  
Neptibus (Gygantes intelligo) adeo exarsit, ut o-  
mnibus una mens fuerit, triumphato Iove; exarma-  
to Marte, decollato Saturno, extincto Sole, deflorata  
Venere, ipsis quoq; calcatis Cælorum Orbibus, emi-  
nere. Hæc Superiorum disturbia, moverunt inferi-  
ora ad fastum, ut legibus naturæ non attentis, unū  
quodq; velit, etiam nunc, a tum in Orbe videri.  
Sic perniciosior flamma, solutis in cinerem nemori-  
bus & sylvis continuo intendit insilire texta Polo-  
rum; irata Thetys immanes fluctus eructat syde-  
ra versus; viles athomi tumescendo in Olympos,  
Cælos facile æquant, oriundi ex terra vapores, vi-  
aliena sursum elevati, licet nimbos minentur, so-  
lem coronant. Tantis eminendi, quandoq; illiciti-  
tis conatibus consultum desuper ubi singulæ res  
ad proprias Classes revocatæ, singulisq; præfixus  
unus Princeps, qui eas sub sua Imperia vocaret.  
Sic Iovi omnia obediunt, Saturnum æra reveren-  
tur, Martem arma adorant, Ignes à Vulcano de-  
pendent, opipara leges Cereri subest, campis Flora  
diffusis, sed præest hortis Pomona; Pan regit ne-  
mora, & vastis undarum recessibus imperat Neptu-  
nus. Ille Neptunus, qui applaudente Olympo, Sa-  
turni & Opis sanguine satus, inter ubera Iunonis  
pendulus, dulcem suxerat hyblam, ut amarum mare,



in suavem ambrosiam transmutasset. Ille Neptu-  
nus qui veluti Filia Oceani [gemma suppono]  
inter argenteos lympharum volutabatur fluctus; ut  
inde gratiosior pusio à fontibus posset apparere. Ille  
Neptunus, qui in Contubernio aquarum habitans,  
uti tamen meretur consortiò Deorum. Attollant  
Iovem Sceptra Supremum, ornet Mercurium virga,  
clava Herculem demonstret, penicillus loquatur  
Appellem, gladius denotet Martem, Phæbumq;  
commendet sagitta, Neptuno lumen columnenq; ex  
Tridente. Regit ille hoc insigni totum quâ late-  
patet Mare, latrantibus Scyllis fauces atterit, sævi-  
entes compescit procellas, terminale fluctibus præ-  
scribit non plus ultra, jurgia ventorum, & motum  
intra viscera æquor, pacificat. Verbo litigiorum  
Oceani Arbiter & Iudex, Velificantium amicum,  
Numen, insolentis Maris stator, Neptunus, recto  
Pœtarum judiciò appellatur. Sed appage hinc,  
ficta somniantis Pœseos Imago, ubi verior ac Di-  
vinior Neptunus D. IOANNES à Cruce Cælo  
demissus ab Alto, Crucis Tridente, procellosum  
Mundi pacificans Mare elucescit. Quem antequâ  
sub Sole videbitis AA. prius inclusum visceribus  
Maternis miremini; & Quem Sanctitatis fama ma-  
gnarum nuncia rerum in primo ortu toti deprædi-  
cat universo: *Magnus vocabitur.* Magnus vocabitur?  
ergo forsan Alexander, totum Orbem ad sua Im-  
peria vocaturus. Magnus vocabitur? ergo forsan  
Iulius Cæsar, vel fortis Achilles, infractus Alcibia-  
des, insuperabilis Cyrus, invictus, Pompejus, Sci-  
pio Africanus, vel munificus Nerva, Cujus virtu-  
tes & elogia Homerus, Thucydides, Xeno-  
phon, Livius, Lucanus, Dion, promere, Illi pa-  
negy.



negyres, cudere ni Delphicos Tripodes consulant,  
non valebunt. Rem infascinatam evolvo: IOAN-  
NES Magnus vocabitur? id est Neptunus, Crucis  
Tridente procellosum Mundi pacificans mare. Si  
Neptuno oscilla, fluctus; paxilli fluminum molles  
procellæ fuere; IOANNI Divinissimo, altum Sâ-  
guinum Mare cunabula dedit, locò mollium cul-  
citrarum, fortuna purpuras stravit, & Coronas. Ille  
Iunonis alebatur lacte, ut salsas maris guttas dul-  
coraret; Hic verioris Iunonis, Catharinæ ubera  
suxit, ut ad Cæleste promontorium, singulis lacteam  
viam, exhiberet. Ille in curru per æquora prove-  
hitur equis, Hic Infans, non tam fortunæ rotâ,  
quàm Sacro virtutum curriculo, ac alis Amoris Divi-  
ni instructus, Cælo tenus eluctatur. Ille Triden-  
te, ut audivimus, pacificat mare, Hic densas Sacra-  
tissimâ Cruce, Quam manibûs gerit, malorum di-  
spellit tempestates. Gangetico pulvere mensu-  
randa illa hora, in qua Divinior Neptunus IOAN-  
NES ex utero Matris in viventium stetit arena,  
Pusio ingentes dotes complectendo. In primo an-  
norum fonte, castis virtutum agminibus tanquam  
Divinioribus sese accingebat Nymphis, Hyperion  
clariùs in Orbe arsurus. Vtq; Infans in terris na-  
tus Cælestia saperet, Sacro Baptismatis fonte in-  
fantile abluit Caput; salem sapientiæ accipit, ut ad  
Solem Iustitiæ accedat, imò toto corde Charites  
complectitur, dum plenum gratiarum Nomen IO-  
ANNIS sortitur. O quàm plurimi Nominum me-  
ridianos sumunt Tytanes, & tenebrosa morum illos  
obfuscant caligine. Plerumq; è portentoso Gygan-  
tum cubili, imbelles consurgunt pusiones; ex Iovis  
Thalamo, claudicantes in lucem educuntur Vulcani,



ex Hectoribus Sybaritæ, ex aureis Parentibus ferrea  
excuditur propago, & Mæonios Reges, inglorij à  
longè sequuntur Nepotes. Non sic Divinior Ne-  
ptunus, prout suo æthymô, ita re ipsa graciosus; ex  
Magnis Parentibus, surrexit quô nemo Maior.  
Senex puer, dum in Iuvene morum gravitas, ope-  
rum Sanctitas, virtutum congeries, indolesq; ad  
maxima nata, crevit & maturuit. Crevit & ma-  
turuit IOANNES, annis pumilio, virtute Gygas  
contra Quem en Tartarea pubes, ultimum lapi-  
dem movet, dum Neptunum profundis undarum  
fluctibus damnare intendit. Sed quid ad hæc IO-  
ANNES? forsan nodo periculorum irretitus, quâ  
evadat, sibi ferre consilia nescit: minime! IOAN-  
NES in puerili ætate Vir est, in quo latent virtu-  
tis scintillæ, velut igneus ardor frigidis inclusus sa-  
xis, quem non excuties, nisi atteras, ita in IOAN-  
NE virtutum commodius eliciuntur incentiva,  
dum malorum alliditur assultibus, ferreis vexatur  
procellis. IOANNES validior ab hoc casu An-  
tæus, ruinis contra fatorum sese erigit fulmina.  
IOANNES Neptunus est, etiam nimbolo toni-  
truantis Orci Sydere, per tumescentes adversita-  
tum fluctus, in puteo felix navigat navira. Vnde fal-  
leris nimiumq; falleris carbonaria Orci progenies?  
IOANNES Vesuvius quidem est flammis amoris æ-  
stuans Divini, his tamen non extinguetur, ast  
magis ardebit undis. IOANNES Neptunus est,  
Cui si tota cum furibundis fluctibus obedit The-  
tys, quomodo tenues contra Illum insurgere po-  
terunt torrentes? Factum est quod dixi: en auxi-  
liares IOANNI favorum cælestium copiarum sub-  
venere, dum Sanctior Ariadna, MARIA, non  
tenue



tenue ut quondam Theseo, filum, verum solidam  
suae protectionis dexteram exporrexit, ex puteo  
IOANNEM sublevavit. Sic Magnus IOAN-  
NES, Majoribus quia servabatur rebus, an Ne-  
ptunus Divinior quia pacificando procelloso Mû-  
di Oceano erat destinatus, angusto claudi non  
poterat rivô, non poterat aquis suffocari. Vndè  
undis insuperabilem, profundis fluctibus altiore  
stupens Avernus IOANNEM, illum novo Mar-  
te, nova arte oppugnat, non tamen triumphat.  
Lethifer Draco, longo caput efferens antrô, Ne-  
mæos Leones repansis faucibus, Hyrcanas Tygri-  
des, arrectis unguibus, Lernæas Hydras, Africana  
monstrorum pignora suâ ferociâ exsuperans, con-  
sistit obvius IOANNI, artus tenelli Pusionis  
depasturus. Sed quid ad hæc IOANNES? ti-  
mere nescius minimè expavescit, contra pugna-  
cem hostem firmissima munitur innocentia,  
(quâ nihil nocentiùs hosti) fugiente sociô, cui  
metus addidit alas, novus Hercules non jam  
acuto ense, vel minacibus pilis, sed ut Divi-  
nior Neptunus, Crucis Tridente, Scyllam vo-  
racem in fugam abire coegit. Sic IOANNES,  
prima Tyrocinia ætatis suæ posuit victorias &  
triumphos, deditq; documentum in aurora vitæ,  
quô olim hostium occasu illustraturus erat Ec-  
clesiæ triumphos. Nondum palmam novit ex-  
tendere puerilem & jam palmas colligebat trium-  
phales, acsi Martem non Matrem suxisset, vel eo-  
dem actu & vivendi & vincendi ingressus fuisset  
theatrum. Si danda fides Poëtis, Palladem Sapi-  
entiæ Deam, virentem Neptuno dedicasse oleam.  
Hic extra commentum est, dum Diviniori Neptu-

D

no



no IOANNI, in Areopago Sapientiæ, Virgines  
Musæ verecundiæ palmas, Apollo laurum, che-  
lym Orphæus, ex floribus Tullius sertum, ex  
arbore Phorphyriana contextam coronam Ari-  
stoteles cedere, donavere. Vix Divinior NE-  
PTVNVS Scholasticæ æquoris suscepit clavum,  
seu clariùs dicam vix in scientifico Oceano lu-  
dando cum hoste ignorantia, inivit Naumachi-  
am, illicò ab erudita Pallade Doctorali cingitur  
Corymbò, & eo iplò omnibùs hīs, qui Doctorum  
frontium præmia meruere, Major IOANNES.  
Videre erat Minervæ Stadiodromum in Lycæo  
Grammatices, nihil licere discentem nisi à malo  
declinare, Pòeticis pedibùs sine quavis fractione  
Olympia virtutum decurrentem, Rhetoricos ver-  
borum fontes, ac Euripum Philosophicum alti-  
tudine vastissimi ingenij sui moderantem Sancti-  
orem NEPTVNVM, Cui cuncta cara erudito-  
rum fluminum pignora cedere in Coronam. Plu-  
rimi in Holofernea fercula, Tygelliana & Apro-  
niana convivia, campanas voluptates, Sybari-  
tarum delicias, ut lautius stomacho provideant,  
cum Baccho invitantur. IOANNI D. supra Cæ-  
nacula Luculli, patinas Neronis, popinas Vitel-  
lij, Aporemata Cleopatrar, Abacos Antonij, sua-  
vissimum Edullium, labores manuum suarum  
manducare. quandoq; etiam sola egestate frui,  
IOANNIS cibus solidissimus. Sed parùm est  
quod memorem: prout in Lycæis Sapientiæ stetit  
IOANNES, inter eruditissimos, optimus, inter  
optimos eruditissimus, neminem parem habiturus:  
dum etiam in contemptu honorum & fortunarum  
stetit constantissimus. Novit enim inter am-  
plissima



plissima fortunæ angustalia, ipsas latere angustias,  
novit serenissimos Soles in Coronis sæpè plorare;  
novit ab aureis Imperatorum pomis, pessima,  
quandoq; mala provenire. Quare sprexit, elu-  
sit hæc omnia NEPTVNVS D. invadentibus  
se se titulis respondendo: esse & Dominis sua fla-  
gra Scepbris. Iulium hic IOANNEM Divinissi-  
mum dixerim, Qui veniens in Orbem vix versi-  
pelles ejus astutias vidit, vicit. Spectavit illece-  
cebras, & sprexit; fortunæ dona sibi obvia nudo  
calcaneò conterendo. Hic Major magno Mace-  
done IOANNES, alium Sanctiorem quærit Or-  
bem, cum hic Eum in quo tantisper vixit, cape-  
re non potuerit. Voverem IOANNI, novum  
cum Columbo ingredi Obem, ni aliter Ipsi Cæli  
saluberrima subministrarent consilia, ac ut anti-  
quissimæ Carmelitanae Sacerrimæ Religionis in-  
stitutis subderet animum: sic suadent. Conscen-  
de Dive NEPTVNE ex procelloso Orbis Ocea-  
no Insulam Carmeli fortunatam, ex ea melius  
insolentes fluctus, quibûs o quàm sæpè! mortali-  
um obruuntur, imò merguntur pectora, conspe-  
cturus. Sume gladium flammigeri Eliæ, appre-  
hende triumphalem Crucem, seu verius Triden-  
tem cum hoc Divinissimus NEPTVNVS verior  
futurus. Fecit IOANNES quod Superi jusse-  
re, dum fausto pedemate sublimem Carmeli con-  
scendit Clyvum. Stetit jam Sanctissimus Carme-  
lita in excelso montis Eliani jugo, indè facilius  
Empireum scansurus Olympum: qui in Cella qua-  
si in Cælo habitavit. In Sellato Zodiaco stetit  
majus Luminare, serenum sparsurus Orbi sine  
nube diem. Videre erat in IOANNE altam



humilitatem, ad amoris Divini flammam, Sacro-  
sanctum Religionis cultum, cæteraquæ dona quæ  
si alios divisim efficiebant beatos, IOANNES  
collecta tenebat. Videre erat quomodo IOAN-  
NES in Sacris Exedris zelosissimus Elias, in Ca-  
thedris Tullius, in Lycæis Theologus, in docen-  
do clarissimus, in explicando facillimus, in pero-  
rando excellentissimus. Clariori loquar emphasi:  
quidquid in Divo NEPTVNO inveniebatur, nil  
non dignum erat, nil non sublime, nil non magno  
ore sonandum. Sed quid mirandum? quod IO-  
ANNES Divinissimus cum plausu omnium,  
apud singulos plurimum valet, dum hominem  
se esse planè negat. Ita est: Angelus IOAN-  
NES non homo, dum ea non nisi quæ sunt An-  
gelorum, agit. Angelus IOANNES non homo  
quia stellati Carmeli Motrix Intelligentia. IO-  
ANNES non homo, quia castitatis Angelicæ,  
Angelus Custos. In promovendo cultu Divino  
continuus, laudes Mariæ præcinit; eò ipsò in Sã-  
ctorum numerum Angelorum in vita computan-  
dus. Angelus IOANNES, dum fermè nihil na-  
turæ omnia gratiæ debet. Angelus IOANNES  
à cibo abstemius, carni nunquam lautius provi-  
dit, ipsâ egestate satur paupertate dives. Recen-  
seant Vatum Oracula Templum Calabriae Neptu-  
no dedicatum fuisse. Diviniorem NEPT V-  
NVM IOANNEM quod Sponsa Christi in Spõ-  
sum sui vocaverit, res Oedipo non eget, sub quo  
à Scyllis ac Charybdibus immunis Argonavis fidei  
Christianæ, felix obtinuit promontorium. Repe-  
to quæ dixi: vocat in Sponsum sui Ecclesia IO-  
ANNEM. promptus ne ad hæc? minimè! magno-  
rum



rum meritorum suffragia, si in augem honoris  
IOANNEM elevabant, profunda humilitas dis-  
suadebat. Qui olim sulphureum vicerat Draco-  
nem, nunc ad Immaculati Agni aram, accedere  
contremiscit. Verum quid trepidas IOAN-  
NES Divinissime? perge, quò Te Superi vocant;  
curre quò Sancta invitat vocatio. Vtiq; si San-  
ctitatem munus hoc requirit? in Te fides Abraha-  
mi, solida Isaaci obedientia, cedere nescia, duris  
Iob patientia, mira Iosephi castitas, ardens Eliæ  
zelus. Si virtuosum omnino exigit? non ne, si  
penicillò Apellis viva pingeretur virtus, Tua Ima-  
go foret? Præterea erudita laurus circularem præ-  
fert æternitatis figuram, in qua Sacerdotalis coro-  
na est pro centro. Fecit IOANNES quod Su-  
peri voluere, tangit Sanctissimus Mysta DEI Al-  
tare; pro alta re habens DEVM adorare. Vtq;  
Divinior NEPTVNVS appareat, procellosum  
Mundi pacificat Mare. Rem ipsam quæso audi-  
te: Phlegetontea proles cum spumantibus iras cæ-  
desq; nequiret, Divinissimum NEPTVNVM  
vincere undis: undè mittit ingens monstrum,  
dulcis sermonis nectareorumq; pulmonum Syre-  
nem, an Hydram, amico ore virus furiale spiran-  
tem, quia mulierem sine fronte mittit, ut IO-  
ANNEM sacri sui propositi tenacem, illecebris  
allectum in sui pertraheret amorem. Sed appage  
hinc malesana Medea, locus in quo stas Sanctus est, in-  
ferni spectra non patitur, nec admittit. Novit IOAN-  
NES tales Danaes, etiam dona ferentes, novit artes  
pelasgas, novit Neptunus Syrtes Charybdesq; vora-  
ces. Nunquã hunc Herculem blanditijs infascinabis  
o fæda Omphale! nunquam tuis fædissimis procel-

E

lis ca-



lis castissimam hanc inquinabis crystallum, o Tur-  
pilia! nunquam hunc Diviniorem Vlysssem sopies  
illecebris, o Syren! imò potius in conspectu IO-  
ANNIS pudore suffunderis rubicundo. Ita est:  
tacet olim diserta, ad vocem IOANNIS; pu-  
det audacem fuisse in nefas; unde spretis fortunæ  
illicitis, meliori redditur menti, castissimamq; à  
IOANNE discit ducere vitam. Sed non hic  
terminalis colossus rectorum IOANNIS, ne-  
scit Sanctitatis Illius fama Herculeis coarctari colu-  
mnis, Sanctior NEPTVNVS IOANNES  
est, metam, littora & margines ignorat, in am-  
plissimum fine terminòq; carens virtutum diffu-  
sus Mare. Aurò Cedròq; notanda facta, Libro vi-  
tæ inferenda scripta, non tam dicta quam ora-  
cula loquuntur IOANNEM: quomodo Exedrae  
suum Ambrosium, Cathedrae suum adoravere Ber-  
nardum, quem adusq; sacra Salmaticense, Matri-  
nense, Vlyssipponense, Granatense, deprædicant  
Cænobia, Hispania stupet, quomodo ad Illius nu-  
tum multoties mutarunt Elementa fidem, pluviosæ  
Pleades, fulminei Tonantes, tonitruantes Gradiui  
multoties audivere iussa IOANNIS ut vel exinde  
Divinior NEPTVNVS apparuerit. Dicant alij,  
ego prætereo, tot operum conscripta volumina,  
quæ IOANNEM Tripodem Sapientiæ Orbi in-  
dicant Vniverso. Agnovere inscientijs singuli pro-  
dromum IOANNEM, sublimem Illius in excelsis  
Carmeli vertice mirati vitam, quomodo virtutum o-  
dore plenus nihil spirabat, quod non Cælis sva-  
ve, nihil agebat, quod non floridum esset; nihil;  
deniq; locutus, quod adstantibus miræ svavita-  
tis dulcedinem non stillaret. In eam se speci-  
em



em orationibus, mortificationibus, (corpus abstinentiâ attenuando, disciplinâ, virgâ compellendo) efformavit, ut constaret ad oculum totam virtutem, totum occupasse IOANNEM. In angusta ac arcta Cellula prolixas devotiones formabat, ad quarum dispositionem & ipsi Angeli recreabantur. Domum NEPTVNI D. pro peristromatum ornamento, sterea teges, pro pendulis luminosis lampadibus, ardentes orationum illuminabant lucernæ. Novit IOANNES dissolutos unire animos, unitos stabilire, stabilitos gratijs fovere, omnes ad mutuam charitatem animando. Vt Oceanus hausta desuper refundebat flumina; ut speculum, lumen acceptum emittebat, ut Nilus, plusquam septem ostijs gratiarum totum Orbem alluebat. O vitam! D. NEPTVNI, vitam similem Angelicâ! o mores! moribus Cælicolarum non dissimiles. Virtutes candore ipsa pulchriores. Post tot tantosq; labores, venit tempus, ut IOANNES triumphali redimiretur Cydari; venit tempus, ut hic Hercules post devicta monstra ingentia (dracones intelligo) referretur inter Altra Olympi, venit tempus, ut crucifer Heros post debellatos hostes [vitia intelligo] obsidionali; ut Sanctior Vlysses, post edomitam syrenem [mulierem iudico] navali donaretur Coronâ. seu quod idem est, ut D. NEPTVNVS, post pacificatum turbulentum Mundi mare, divisum cum Iove imperium, possideret. Ego hæc dico, & ecce astra locum parant Herculi, ecce IOANNI post superata portenta aureum immortalitatis porrigitur vellus,



ptunumq; Cælestis cupit capere Eridanus, cui pro  
exantlatis laboribus supremus Iupiter ut præ-  
mia iusta daret, Erothesim movet *Quid vis  
pro laboribus Tuis!* Alias, audi IOANNES, vicisti  
Mundum versipellem, domasti carnem illecebris  
obnoxiam, sopivisti Draconem flammæ ructan-  
tem; unde sydera conscende, locum in una sede  
mecum habiturus. Alias audi IOANNES,  
prælucebas alijs virtute ut Phæbus, instruebas a-  
lios ut optimus Princeps, ad laudabilia opera ad-  
debas alijs calcar ut centoculus Argus, ergo Phæ-  
be sphæram Cælestem imple, probe Princeps  
fasces Imperij; amplectere, & centoculus Argus  
cum fueris, visione felix fruire beatificâ. Alias  
audi IOANNES; turbulenti maris Crucis Tri-  
dente verior NEPTVNVS compescuisti pro-  
cellas, ergo esto immortalis, Cælestem Eridanum  
Clava Tui regiminis frena, aquis quæ supra Cælos  
sunt, præside fortunatus. Quid adhæc IOANNES?  
dicerem, quod hic Sol suam sphæram ultro am-  
biet & implebit, Princeps hic præcoci manu  
Sceptra rapiet? Argus hic inter Intelligentias vi-  
deri gaudebit? minime! *Pati & contemni  
volo:* verba IOANNIS. O lacrum Cælestibus im-  
butum gratijs Canticum! o voces sonoras & o-  
racula, quibus surdæ etiam cordium commo-  
ventur petreæ. Erudiamini erudiamini mortales!  
si viva Sanctitas, excelsa IOANNIS virtus con-  
temni cupit? cur, dum nos ala muscæ turbat tan-  
tillos contemptus etiam cruento Marte vindica-  
mus O IOANNES adhuc ne parùm de Tuo  
Sanguine ex quo fluentum si colligi in unum  
posset fieret perfusum? quia pati? adhuc ne mo-  
dica



quæ tecum gessisti prælia, quia contemni petis. Ita est: novit optimè IOANNES, non dari lucra, nisi prius cruenta præcedat lucta; expetitur Sanctitatis unionem nisi inter roboantia variarum adversitatum concipi fulgetra; novit quomodo quælibet sed maximè Cælestis Corona sudore paranda venit. Qui opulenta fortunarum æraria, tumidos Mundi superbientis fastus, honorumq; nuper eminentiam contempsit, pati & contemni cupit, eò ipsò toti Regno Cælorum comparandus, quòd omnibus, sibiq; ipsi vilescat. NEPTVNVS Divinior, cum procellosum Mundi mare, Crucis Tridente pacificaverit, secum bella agere meditatur, quodq; virtus illius invicta fuerit, id a sui vult probare experientia, dum pati & contemni prætendit. Sed ah tristem metamorphosim! sæva Libitina hebetem acuit falcem ut NEPTVNVM D. fatali casu prosterнат, suumq; ducat in triumphum. Verùm inanis Parcarum conatus; IOANNES mori nequit quia pridem Mundo mortuus, soli Cælo vivit. Non terrenum credite IOANNEM, nihil enim terrestre sapit; Cælorum vera progenies NEPTVNVS, nullam vivendo contraxerat labem. Nihil habuit cum cæno, de Cælo cum fuerit, in quo ut citius occuparet sedem seraphico ferebatur spiritu, totus in Cælo IOANNES. Quid quid de IOANNE protuli Vestrûm est PP. RR. Qui veriori Metempsychosi in Vobis vivum IOANNEM præsentatis. Religio Vestra suprema Regio est, in qua Sapientia Cælestis suam fixit stationem. Vester Sydereus  
F Zodi.



Zodiacus extingvit lumina Oratorum, in quo tot  
Motrices Intelligentias conspicio, quot erudita  
Capita valeo numerare. Sublimem Vestrarum  
virtutum Olympum argumentorum filô metiri  
quis valeat? cum ad perfectionis Vestræ culmen  
longo licet verborum ductu rumpuntur tamen  
diductæ Schynotenes. Roseo suffusus colore  
Hortensius erubescit, ubi Vos liliati Hercules vel  
ipsa candida chlamide impingitis ruborem vere-  
cundum. Plura dicam: ex linea Appellem, Gigan-  
tem ex pollice, Cleopatrar margaritam ex cando-  
re, magnitudinem Vestram ex flammigero Eliæ  
gladio venari liceat, quô Gordios difficultatum  
solvitis nodos, veri Macedones; quibus totus non  
sufficit Orbis ad triumphum. Sanè elogium quod  
IOANNES promeruit Vos omnes concernit.  
Nunc Patriam mente volvo ut Vestro commen-  
dem IOANNI, Orbem Polonum gratiarum  
Tuarum imple favoribus IOANNES Divinis-  
sime, ut Te suum agnoscat columen, & præsi-  
dium. Scientiarum Matrem Almam Universita-  
tem, fortunatis corona successibus, pelle omnia  
adversa IOANNES à CRUCE Sceptringera.  
Inclinant vertices suos Craciæ Turres Teado-


raturæ, quas ab æstu omnium malorum  
protege, Quem Diviniorem NE.

PIVNVM Crucis Tridente  
procellosum Mundi paci-  
ficantem mare Cælum.


fecit, ego.

DIXI.











22000,-

3.XII.13



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



02350



